



საქმე 3ბ/1040-11წ.

თბილისის სააკადაციო სასამართლო განჩინება

საქართველოს სახელით

10 ივნისი, 2011 წელი

ქ. თბილისი

ადმინისტრაციულ საქმეთა პალატის
მოსამართლე – ნათია ქუთათელაძე

აპელანტი – საქართველოს თავდაცვის სამინისტრო

მოწინააღმდეგე მხარე – ალექსი შოშიაშვილი

დავის საგანი – ზიანის ანაზღაურება

გასაჩივრებული გადაწყვეტილება – თბილისის საქალაქო სასამართლოს
ადმინისტრაციულ საქმეთა კოლეგიის 2011 წლის 6 მაისის გადაწყვეტილება

ზეპირი მოსმენის გარეშე განიხილა მოწინააღმდეგე მხარის – ალექსი
შოშიაშვილის მიმართ საჯარო შეტყობინების შესახებ საკითხი და

გ ა მ ო ა რ პ გ ი ა:

თბილისის საქალაქო სასამართლოს ადმინისტრაციულ საქმეთა კოლეგიის
2011 წლის 6 მაისის გადაწყვეტილებით საქართველოს თავდაცვის
სამინისტროს სააპელაციო სააჩივარი დაკმაყოფილდა ნაწილობრივ. ალექსი
შოშიაშვილს სახელმწიფო ბიუჯეტის სასარგებლოდ დაეკისრა ჯარიმის
სახით 27463,55 ლარის, პირგასამტეხელოს 8239,07 ლარის, სწავლებაზე
დახარჯული 112,32 ლარის გადახდა. მოსარჩელეს უარი ეთქვა მოპასუხეზე
ზიანის სახით 8163,36 ლარის დაკისრებაზე.

ზემოაღნიშნული გადაწყვეტილება სააპელაციო საჩივრით გაასაჩივრა
საქართველოს თავდაცვის სამინისტრომ და მოითხოვა გასაჩივრებული
გადაწყვეტილების გაუქმება და ახალი გადაწყვეტილების მიღებით სასარჩელო
მოთხოვნის დაკმაყოფილება.

სააპელაციო სასამართლომ იმსჯელა საქმის სრულყოფილად, კანონმდებლობით დადგენილ უმოკლეს ვადაში განხილვისა და გაჭიანურების თავიდან აცილების გარემოებებზე, გაითვალისწინა საქართველოს სამოქალაქო საპროცესო კოდექსის 78-ე მუხლით განსაზღვრული დებულებები და მიიჩნევს, რომ ვინაიდან მოწინააღმდეგე მხარის ადგილსამყოფელი უცნობია და მისთვის სასამართლო უწყების ჩაბარება სხვაგვარად ვერ ხერხდება, მიზანშეწონილია – ალექსი შოშიაშვილის საქმის განხილვის დრო და ადგილი ეცნობოს საჯარო შეტყობინების გზით.

საქართველოს ადმინისტრაციული საპროცესო კოდექსის პირველი მუხლის მე-2 ნაწილის თანახმად, თუ ამ კოდექსით სხვა რამ არ არის დადგენილი ადმინისტრაციულ სამართალწარმოებაში გამოიყენება სამოქალაქო საპროცესო კოდექსის დებულებანი.

საქართველოს სამოქალაქო საპროცესო კოდექსის 78-ე მუხლის პირველი ნაწილის თანახმად, თუ მხარის ადგილსამყოფელი უცნობია ან მისთვის სასამართლო უწყების ჩაბარება სხვაგვარად ვერ ხერხდება, სასამართლო უფლებამოსილია გამოიტანოს განჩინება სასამართლო შეტყობინების საჯაროდ გავრცელების შესახებ. სასამართლო შეტყობინება საჯაროდ ვრცელდება შესაბამისი სასამართლოს შენობაში თვალსაჩინო ადგილზე ან ვებგვერდზე განთავსებით ან დაინტერესებული მხარის მოთხოვნის შემთხვევაში – მისივე ხარჯებით იმ გაზეთში, რომელიც მასობრივადაა გავრცელებული მხარის საცხოვრებელი ადგილის შესაბამის ადმინისტრაციულ-ტერიტორიულ ერთეულში, ან ინფორმაციის სხვა საშუალებებში გამოქვეყნებით.

ზემოაღნიშნულიდან გამომდინარე, სააპელაციო სასამართლომ გაითვალისწინა საქართველოს სამოქალაქო საპროცესო კოდექსის 78-ე მუხლით განსაზღვრული დებულებები, მიიჩნია, რომ ვინაიდან მოწინააღმდეგე მხარის ადგილსამყოფელი უცნობია და მისთვის სასამართლო უწყების ჩაბარება სხვაგვარად ვერ ხერხდება, ალექსი შოშიაშვილს საქმის ზეპირი მოსმენის გარეშე განხილვის თაობაზე ეცნობოს საჯარო შეტყობინების გზით. ამასთან, სასამართლო შეტყობინება საჯაროდ განთავსდეს თბილისის სააპელაციო სასამართლოს ვებგვერდზე (www.tbappeal.court.ge).

სააპელაციო სასამართლომ იხელმძღვანელა საქართველოს ადმინისტრაციული საპროცესო კოდექსის პირველი მუხლის მე-2 ნაწილით, საქართველოს სამოქალაქო საპროცესო კოდექსის 70-ე-78-ე, 285-ე მუხლებით და

დ ა ა დ ბ ი ნ ა:

1. ადმინისტრაციულ საქმეზე №3/ბ-1040-11 სააპელაციო საჩივრის ავტორი: საქართველოს თავდაცვის სამინისტრო, მოწინააღმდეგე მხარე: ალექსი შოშიაშვილი, დავის საგანი: ზიანის ანაზღაურება, ალექსი შოშიაშვილს საქმის ზეპირი მოსმენის გარეშე განხილვის შესახებ ეცნობოს საჯარო

შეტყობინების გზით. სასამართლო შეტყობინება საჯაროდ განთავსდეს თბილისის სააპელაციო სასამართლოს ვებგვერდზე (www.tbappeal.court.ge).

2. თბილისის სააპელაციო სასამართლოს ადმინისტრაციულ საქმეთა პალატაში (მდებარე: ქ. თბილისი, გრიგოლ რობაქიძის 7ა) 2011 წლის 24 ივნისს 10:00 საათზე ზეპირი მოსმენის გარეშე განიხილება საქართველოს თავდაცვის სამინისტროს სააპელაციო საჩივარი.
3. სასამართლო უწყება მხარისათვის ჩაბარებულად ითვლება სასამართლო შეტყობინების თბილისის სააპელაციო სასამართლოს ვებგვერდზე განთავსებიდან მე-7 დღეს.
4. ალექსი შოშიაშვილი გაფრთხილებულ იქნას, რომ სასამართლო (მოსამართლე) უფლებამოსილია, მხარის არასაპატიო მიზეზით გამოუცხადებლობის შემთხვევაში მის დაუსწრებლად გამოიტანოს გადაწყვეტილება საქმეში არსებული მასალების საფუძველზე და საქართველოს ადმინისტრაციული საპროცესო კოდექსის მე-4 და მე-19 მუხლების დებულებათა გათვალისწინებით.
5. განჩინება არ საჩივრდება.

მოსამართლე

ნათია ქუთათელაძე